

明
清
·
史
料
丙編
第九本



(96356·1C9)

明 清 史 料
丙 編
十 本

版權所有 翻印必究

中華民國二十五年十一月初版

全部連布 實價國幣玖元
第九本實價國幣玖角
外埠酌加運費匯費

編輯者

國立中央研究院歷史語言研究所

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

平

明清史料目錄

丙編第九本

八百零一至九百葉

平南王揭帖

八〇一

廣東巡撫李棲鳳揭帖

八〇二

江西巡按張嘉題本

八〇三

湖川總督羅繡錦殘題本

八〇四

延綏巡撫董宗聖題本

八〇五

戶部題本

八〇七

刑部等衙門殘題本

八〇八

廣東巡撫李棲鳳揭帖

八一二

廣西左翼總兵馬雄稟

八一二

署潯梧參將等稟

八二四

陝西巡撫馬之先揭帖

八二五

戶部題本

八二八

戶部題本

八三〇

靖平南王揭帖

八二一

湖川總督祖澤遠揭帖

八二三

廣東巡撫李棲鳳揭帖

八二三

吏部題本

八二五

陝西巡按王佐題本

八二六

兵部揭帖

八二七

吏部題本

八二八

江西巡按張嘉題本

八三〇

戶部題本

八三三

湖川總督祖澤遠題本

八三三

平南王殘揭帖

八三五

瓊州總兵高進庫揭帖

八三六

廣東巡按楊旬瑛揭帖

八三八

江南江西總督殘揭一

八五九

江南江西總督殘揭二

八六二

戶部題本

八六五

陝西總督孟喬芳揭帖

八六八

平南王尙可喜等題本

八七〇

兵部殘題本

八七二

工科左給事中魏裔介揭帖

八七五

直隸山東河南總督馬光輝揭帖

八七六

甘肅巡撫周文燁殘揭帖

八七九

兵部殘題本

八八二

兵部題本

八八五

刑科左給事中孫珀齡題本

八八七

靖南王耿揭帖

八八九

靖南王耿揭帖

八九〇

靖南王耿揭帖

八九一

陝西平慶西鳳等處總兵李茂揭帖

八八一

延綏巡撫董宗聖揭帖

八八二

戶部題本

八八三

宣大總督馬鳴珮題本

八八四

原定南王女孔四貞奏本

八八五

叔和碩鄭親王跡爾哈朗等題本

八八六

直隸山東河南總督李蔭祖揭帖

八八七

偏沅撫院袁咨文

八八八

山東巡撫耿燁揭帖

八八九

直隸山東河南總督李揭帖

八九〇

定南王下死難各官情由殘揭帖

八九一

廣東德慶開建州縣等官棄城案殘件

八九二

王道真自稱天啓太子案殘件

八九三

江西永新等縣失陷案殘件

八九四

山西巡撫陳應泰揭帖

八九五

兩廣總督李率泰揭帖

八八四

平南王揭帖

八八五

平靖兩王援勦新會高明殘件

八八七

平西王吳三桂等題本

八八八

兵部題本

八八九

戶部題本

八九一

平南王揭帖

八九二

平南王揭帖

八九三

抄白僞恢討左將軍等僞啓

八九四

兩廣總督李率泰揭帖

八九五

靖南王耿揭帖

八九六

平西王吳三桂殘題本

八九七

湖廣巡撫林天擎題本

八九八

部題楚督請催江浙完解協濟楚餉殘件

八九九

戶部題本

九〇〇

明清史料

丙編第九本

八百零一至九百葉

平南王揭帖順治九年正月初八日到本揭對同

平南王揭爲恢復雷郡事拾月貳拾叁日據左翼總兵徐成功中軍遊擊盛登科金有賞甲喇章京馬九玉牛景臧成功徐有運等塘報於玖月貳拾陸日馬兵到遂溪起身至貳拾捌日兵馬至雷州府城內並無百姓止是空城房屋俱已倒壞草長砌住街道城牆四邊倒塌其北路并近城投過些離城叁拾里有河其河西有王翰的賊巢河南亦有賊兵未順今河水深大無船得渡職今收拾城牆一面招撫商議另計過所剿賊平定之日另報等情到爵等據此該爵等看得雷郡初定餘孽未靖四野荒蕪人民遯跡一面檄該道府廣布皇仁多方安撫一面檄該鎮將勦蕩餘氛其兵馬糧糗併檄鄰郡有司催運接濟以資戰守除具題外理合具揭須至揭帖者順治捌年拾壹月日

廣東巡撫李棲鳳揭帖順治九年正月二十二日到本揭對同

欽差巡撫廣東等處地方提督軍務兼管糧餉鹽法都察院右僉都御史李棲鳳謹揭爲塘報事順治捌年拾壹月初叁日准靖南平南二王咨據甲喇章京徐有才張文升爲飛報大捷事柒月拾貳日據防守乳源中軍都司葉得魁塘報白毛氈前已逃遁今復盤踞龍溪地方□□□柒拾餘里雖隔稍遠勢欲侵犯乳地等□□□恐迫門庭時難接應隨與雄韶各將商議卽於拾叁日督兵前往彼地復恐賊卒探知先行潛避職等密行計議於拾肆日連夜官兵下馬步行繞徑登險驀山度嶺拾伍日黎明趨至賊營逆賊知覺前來交敵才等鼓率各兵奮勇衝進當陣殺死賊兵數百有餘賊見我兵鋒銳難抵遂卸戈棄甲束手歸降其中負拒殘叛遁入長溪山內嶺高路窄不能追殺當收兵回營卽有傾心降服僞副將肆員兵丁壹百貳拾名前來歸順而各營兵丁獲得大小婦女小子壹千餘名口僞官家口肆口僞劉侯妻壹口□□肆張牛壹百餘頭大砲貳位旗貳拾伍面盔□□叁頂甲叁拾身刀肆拾口弓叁拾張箭數百餘枝長槍不計等情到藩合咨具題等因到職該職看得逆寇白毛氈卽僞淮侯劉國昌也竄踞龍溪地方荼毒生靈而甲喇章京徐有才張文升等秣馬厲兵潛師度險當陣斬級數百因壘復降肆將奪獲器仗纍纍可紀此皆仰仗皇威以致蕩除羣醜有功員役除俟通省大定另行彙敘外爲此除具題外理合具揭須至揭帖者順治捌年拾壹月拾捌日右僉都御史李棲鳳

江西巡按張嘉題本

巡按江西監察御史臣張嘉謨題爲恭報起解錢糧事竊念江省遭金逆叛後以田荒民亡之戶口歲增陸拾叁萬兵餉俱屬搜括款項兼以天災數年之水旱閭閻杼柚其空人不樂業土不生毛自陸年開城以來月復月年復年有司竭盡催科之心力猶無補於各鎮營呼□癸之急需矣藩司補苴無術勢不得不移彼易此內供錢糧起解不前職此之由然臣謬膺巡方之任自受事以來日奉咨劄催督憂心如焚晝夜拮据終不敢以京解爲緩視也除前已解過工部柒年捐派城工抵補捌年正額銀伍萬玖拾陸兩外續催據左布政使盧震陽起解過戶部京庫貳次參價兵部會同館馬價工部前撫搜括捐助城工等項共銀貳萬柒千伍百叁兩貳錢玖分伍釐叁毫差瑞州府經歷朱英於玖月貳拾伍日起行赴部交納今又催據該司起解戶部陸柒捌年分京庫舊例加增折色農□黃白蠟絲綿絹苧布富戶葦葦菓品鹽□併□解住罰俸銀叁次參價贓罰等銀共伍萬捌千貳拾玖兩柒錢伍分陸釐玖毫柒絲捌忽肆微肆渺禮部陸柒捌年分牲口藥材銀壹千叁百肆拾陸兩肆分玖釐貳毫工部陸柒捌年分弓箭弦料胖襖褲鞋併花價軍器民柒併扛解四司料銀魚油蔴鐵髹皮狐皮天鵝野味翎毛苗水竹棕籐等銀共柒千肆拾肆兩陸錢貳分伍釐叁絲肆忽叁微以上通共銀陸萬陸千肆百貳拾兩肆錢叁分壹釐貳毫壹絲叁忽柒微肆渺見委南昌府檢校劉聲芳領解於捌年拾貳月貳拾陸日給批勒限起程前赴交納從□□□起解較前漸有起色庶可少抒持□□□□除各部款項細數清冊已經撫臣另咨送部查考外臣謹會同江南督臣馬國柱江西撫臣夏一鶚合先具疏題報伏乞勅下該部查收施行緣係恭報起解錢糧事理爲此具本差快手饒龍齋捧謹具題知順治捌年拾貳月貳拾壹日

湖川總督羅繡錦殘題本

（上缺）臣當日奉行嚴查速奏之旨不過爲弘猷誤軍餉折米價兩事耳前疏所悉之情竝未旁參一語亦曷嘗頌猷之功公似可以心服矣今公就司道報臣語意輒以朦溷責臣臣固不能無言也臣細揣公之苦苦作對者亦自有由如春間公行衡州道臣張兆熊取造各官賢否詳臣應否造送臣復道當請讀公勅以定從違原未常必令造送也又公委安化知縣王武城因道臣郭萬象差役催糧武城將道差痛責本官既抗不完糧臣移公酌撤正以急公營之糧也又因沅城被襲公移內有云孫可旺有賊捌拾萬造船奎千餘隻臣以爲自戊午來曾未見故明有如許之衆且辰河窄小何能容此多船乎但恐賊中之虛聲一張則人心之驚搖愈甚臣雖附報上聞此心實不敢信行道確查原非有心與公爭是非不過止地方之喧謠耳該道回文見據以上各事種種拂公公遂宿有數怨因而藉弘猷之事使臣知其辣手而欲隨波上下也殊不知臣濫叨督任與官民休戚相關若不爲公道主持一味徇公是非顛倒而繭絲地方明有國憲幽有鬼神臣亦不能逃罪也且公自奏之外又引撫臣金廷獻指臣之語謂臣不肯爲朝廷說真情若公臣所報孫可旺賊兵捌拾萬造船奎千隻移臣臣卽以入疏又何曾不爲實告乎既謂臣不肯盡長策臣年老矣精力心思實有不逮公臣年旣英發爵位較臣最高且共事封疆何不出其所長以獻當守乎事關條析緣由字逾格限統乞矜察施行緣係奏明朦溷情節仰祈聖鑒事理臣未敢擅便爲此具本專差官張光耀齎捧謹題請旨順治捌年拾貳月貳拾肆日總督湖廣四川等處地方軍務兼理糧餉都察院右都御史兼兵部右侍郎臣羅繡錦

（貼黃）總督湖川右都御史臣羅繡錦謹題爲奏明朦溷情節等事接邸報該沈永忠題前事奉有該部確察具奏之

旨臣敢就其所謂朦溷與臣之不敢朦溷者十款逐一剖悉上陳臣揣公苦苦作對者亦自有由祇因公行衡道取造賢否臣移公酌撤委官與臣行辰道查賊衆船隻各事種種拂公遂藉弘猷之事使臣知其棘手而隨波上下也統乞矜察施行謹題請旨

臣等謹將臣等所擬各款逐一剖悉上陳臣揣公苦苦作對者亦自有由祇因公行衡道取造賢否臣移公酌撤委官與臣行辰道查賊衆船隻各事種種拂公遂藉弘猷之事使臣知其棘手而隨波上下也統乞矜察施行謹題請旨

附片陳明各款

延綏巡撫董宗聖題本

欽差巡撫延綏等處地方贊理軍務都察院右副都御史臣董宗聖謹題爲恭報查明延屬失守文武官員情形仰祈聖鑒勅部分別議處事案照順治捌年捌月初柒日准兵部咨覆該臣題前事等因順治捌年柒月拾玖日題貳拾日奉聖旨是依議行欽此欽遵抄出到部備咨到臣准此隨抄疏備行陝西按察司遵照發落嚴緝究擬去後順治玖年貳月貳拾伍日據該司按察使于時躍呈問得壹名柴化愚年伍拾歲係山西平陽府太平縣人由武進士于順治肆年貳月內除授延安衛掌印守備本年伍月貳拾捌日到任狀招延安衛與延安府設在同城有先在後謀叛被戮延安營參將王永强于順治伍年拾貳月內因姜逆叛亂蒙先在後被賊殺殉難延綏王巡撫并先在後被賊殺延綏沈總鎮調去神木府谷等處帶領馬兵前去防河止留先在後被擒梟斬王永鎮統領步兵防守府城間王永强于順治陸年貳月內在榆林倡謀叛亂先發賊兵于陸年貳月貳拾壹日黎明到府比化愚就不合于防範以致王永鎮內應而城外賊兵卽入城內衆賊擁撲府堂將各官印信摘去倉庫錢糧盡行刼掠各衙門卷宗俱毀無存士民驚逃房屋焚燒多半又將本衛監內囚犯張一貞李氏打開監門徑自釋放其先在後被賊殺戮知府宋從心羈留城內後王永强率領賊黨至叁月初玖日到府殺死知府宋從心將化愚委黃龍山同知化愚行至黃龍山迤北叁拾里洛川縣地名石頭裏卽行逃回原籍訖後王永强領賊兵南下赴省行至蒲城等處地方遇平西王固山額眞伯墨勒根蝦大兵撲剿將王永强殺死賊兵大敗比化愚當卽速赴軍前投見爲是又不合徑自逃回不來投見後蒙延綏董巡撫牌行布按兩司并分巡河西道備行本府查取失守并已未受賊僞職投誠脫逃官員文冊本府查將化愚受委未任脫

逃情由入冊類造呈報司道轉報各部院訖蒙延綏董巡撫會同陝西督撫具題順治捌年肆月初肆日奉聖旨著分別擬議具奏該部知道欽此欽遵抄出到部送司議覆間化愚于捌年陸月貳拾日投赴本府羈候呈報間蒙兵部除文職聽吏部議覆外將見在失守受僞各官議俱分別革職爲民并永不敘用因化愚等原冊報逃議緝拏另結等因于捌年柒月拾玖日具題貳拾日奉聖旨是依議行欽此欽遵抄出到部移咨延綏董巡撫又咨都察院劄行陝西王巡按俱案行本司行問本府將化愚投見情由呈報本司詳批柴化愚雖來投見已在報逃之後業奉嚴旨緝究難以因投請豁仰府確擬速報又蒙本司將前案關移榆林神木靖邊分巡河西肆道及延安府將各官遵旨發落并緝在逃官員去後依蒙除將賈勳等行令嚴緝獲日如律究招另詳外弔喚化愚到府該知府李肇源研審前情明白看得柴化愚雖冊註受委脫逃而其實變亂倉卒之間永強欲委以同知在化愚亦無以自主但跡其未至龍山而潛逃則雖委豈化愚所欲哉獨惜其不能早爲投誠至冊報之後方始來府卽亟爲申報亦已晚矣是以他員獲邀恩赦而私逃之愆烏容自追按律擬杖洵屬非枉間擬化愚官避難在逃杖罪招呈本司詳批柴化愚賊委潛逃卽投誠律有應得之罪僅擬一杖殊屬徇縱仰府速勘確擬招報依蒙卽喚柴化愚到官該本府李知府覆審前情明白看得柴化愚身當逆亂不能固却永強之委罪難輕宥但未至廳署而卽已遞去則較之實受僞委者當不同科但旣不能堅却于先復不能早投于後按律改擬杖流允宜間擬化愚謀叛未行爲從流罪招呈到司該本司按察使于時躍覆詳看得延屬當王逆叛亂之際各官失守守備柴化愚因王永鎮內應陷城賊委爲黃龍山同知已自干大法矣觀其中途脫逃不過畏死偷生之計似不得與甘心受委而卽赴任者比也若賊敗之後卽來投首自與見在各官同邀寬政胡

乃潛逃回籍迨行查冊報之後始來投見既奉有緝拏究擬之旨雖未任之情有可原而失陷城池其何能辭于一斬矣第又逢新赦豁免本犯之幸際皇仁耳伏候裁奪將化愚取問罪犯壹議得柴化愚所犯除謀叛未行爲從并避難在逃輕罪不坐外合依守備不設失陷城寨者律斬查事犯新赦以前應遵詔豁免合候具題請旨發落壹照出柴化愚斬罪遵赦豁免等因招呈到臣除賈勳等俟該司緝獲究擬招詳至日另疏具題外該臣看得柴化愚身膺衛備職任同城當王逆叛亂之際旣不能防範于早及城池失陷之時又不能殉難于後迨賊委爲黃龍山同知而中途脫逃揆其本心乃一時畏死偷生之計實非甘心受僞從逆者比也然賊敗之後不來投見而潛逃回籍至奉旨緝拏而方來投首雖與從逆各官固難同科而欲與投見諸臣同邀寬政其能之乎按以失陷城池之律化愚其何能辭于一斬也但事犯赦前應否豁免出自聖裁非臣所敢擅專也旣經該司招呈前來臣謹會同總督陝西奎邊兵部尙書孟喬芳巡撫陝西都察院右副都御史馬之先巡按陝西監察御史王佐合詞具題伏乞勅部議覆行臣等遵奉施行因述原詳字數溢格併祈聖恩鑒宥緣係恭報查明延屬失守文武官員情形仰祈聖鑒勅部分別議處事理臣等未敢擅便爲此具本專差承差白其中齎捧謹題請旨順治玖年叁月初柒日巡撫延綏等處地方贊理軍務都察院右副都御史臣董宗聖

（硃批）三法司核議具奏

